



**Ledschas champestra e polizia – ultima consultaziun**

Ils gremis respunsabels sun repassats l'ultim sböz da la ledscha champestra e da la ledscha da polizia. La suprastanza prevezza da tractandar las ledschas illas prosmas radunanzas cumünalas chi han lö i'l december 2021. Davo la decisiun da la radunanza vegnan las ledschas suottamissas a la votaziun a l'urna.

**Sanaziun via maistra Zernez - partecipaziun cuosts tras privats - pitschen supplement/adattamaint pro la fibr'optica**

Illa preparaziun da l'ordinaziun da taxas per las contribuziuns pauschalas ad attachs privats vi da l'infrastructura publica es crodà sü üna pitschna divergenza pro la part da la fibr'optica. La suprastanza cumünala ha precisà il sbagli e surtut la correctura i'l ordinaziun da taxas.

**Cumischiuns e delegaziuns cumünalas - surlavuraziun 2021**

Las cumischiuns e delegaziuns dal Cumün da Zernez sun gnüdas actualisadas. Il gremi ha acceptà ils adattamaints.

**Radunanza cumünala - tractandas definitivas dals 7 october 2021**

Causa cha las tractandas previsas per la radunanza cumünala dals 7 october 2021 nu sun amo prontas fin a quel di ha la suprastanza cumünala decis d'organisar la radunanza insembel cun quella dals 2 december 2021. Sco data da reserva per cuntinuar eventual culla radunanza cumünala es gnü defini ils 3 december 2021.